

# Кузь нэм да бур шуд!

## Эжва йывлөн слава

### Иона Васильевич Игнатов

Чужис 1916 вося сентябр 3 лунö Помöсдинын. Сыктывкарса педучилищын велöдчöм бöрын уджалис Ручса школаын, Коми пединститут помалöм бöрын - Помöсдин райисполкомса роноын, велöдис Помöсдинса шöр школаын.

Гöтырыскöд быдтис да велöдис кык челядьöс.

Бур уджысь сетисны РСФСР-лөн народнöй просвещениеса отличниклысь да Кулöмдин района пьдди пунктана мортлысь нимгяс.

Кувсис 1999 вося февраль 15 лунö Помöсдинын.



# Дардэр

Эжва йывса войтырлөн газет

Озырлы  
уджалгöн  
гöрб кындзи  
нинöм он  
нажöвит  
(коми шусьöг)

Петö 1929 восянь

Субöта, 2011 вося июнь 25 лун

76 (10351)-öд №

## ТÖДÖЙ, МЫЙ ВЫЛЫС

### ВОЛІСНЫ ДОН ТЫ ВЫЛÖ

Июнь 23-öд лунö видзöдлыны Дон ты да кывкöртны сылөн аския лун йылысь районö волісны республикаса Государственной Сöветысь депутатгяс.

Видзöдлісны вис дорысь дамба, волісны кыйсысьяслөн вöр керка дорö да сёрнитісны чери кыйсысьяскöд. Бöрынджык района администрацияын нуöдісны «гöгрöс пызан». Сёрнитісны сы йылысь, мый позьö вöчны, медым ты эз косьмы дзикöдз да сәні водзö йывмис чери.

### ШКОЛА ДАСЬТЫСЬÖ

Кужса школаын вежлалöны би проводгяс.

Медым сентябр öтиöд лунсянь челядь верисны велöдчыны, колö нöшта эжны пытшкöс стеньяс гипсокартонöн, ыдждöдны öдзöсьяс да лöсьöдны гымнöлысь видзчысян провод. Тадзи тшöктісны биысь видзчысян.

### ВОССИС ТЕАТР

Кулöмдинын, уна дас во кольöм мысти, бöр лоис спектакльяс петкöдлысь котыр.

Йöзöс корсис, öтувтис да пунктис медводдза спектакль культура керкаса уджалысь Елена Дмитриевна Гичева. «Солдатская вдова» пьеса серти ворсöм кулöмдинсаяс видзöдісны Великой Отечественной война сувтан лунö.

Йöз вöлі уна. Кöть муніс куим час, видзöдісны ловшы кутöмөн, спектакль эштöм бöрын пöся атгöбалісны ворсысьясöс да сиисны бур туй.

### ВОЛІС «ДЗОЛЮК»

Ручса садйö волісны телевидениеысь «Дзюлюк» передача вöчысьяс.

Видзöдлісны да снимайтисны, кызди олöны татчöс челядь, велöдöны коми кыв, пыралісны музейö. Ичöтгяс сылысны да йöктісны, висьталісны кывбургяс. Снимайтöмсö петкöдласны матысса кадö.

### ШОЙЧÖНЫ ТОМГЯС

«Пожöма яг» турбазыын воссис спортивнöй лагер.

Тайö медводдза смена, гожöмбыдөн ставыс лоö нель. Шойчöны да ёнмöдчöны öні баскетбол радейтысьяс, 30 ныв-зон. Оласны 15 лун. Дасьтысясны выль сезон кежлö, нуодасны ордйысьöмгяс, спортивнöй праздникяс, куим лун кежлö ветласны Дон ты вылö.

### ЛОКТІСНЫ КОРСЫСЬЯС

Сыктывкарысь локтис вошöмгясöс да вöйысьясöс корсысь кык котыр.

Öтиыс видзöдліс Кулöмдинын да Кебанг-ельын купайтчанингясö пляжгяс лöсьöдöм, мöдыс корсис Кулöмдинысь Константин Лютоевöс, коді петавліс ва вылö июнь 6 лунö нин, но эз аддзы. Корсысьясъяс воласны нöшта Мысö да Керчомгяö, көні сідзжö вошисны да вöйисны йöз.

Асланым да общ. корреспондентгяс.

## ИЮНЬ 27 ЛУН - РОССИЯСА ТОМ ЙÖЗЛÖН ЛУН



Кулöмдинысь Иван Чалановлы велöдчöмыс сетчис кокниа, пыр вöлі бура велöдчысьяс лыдынь. Тöдчис медводдза велöдысьлөн, Лидия Михайловна Гуляева-лөн, туйдöм.

Ичöт классгяссянь быд во петкöдчыліс района олимпиадагяс да петалис вермысьöн. Ичöт-сянь жö ёртасис спорткöд, радейтö баскетбол да волейбол. Лыддьö, мый спорт сетö оз сöмын дзоньвидзалун да вын, но и пытшкöс зумылдун, отсалö велöдчыны. Велöдчысьяслөн öтувгя котырын петкöдчыліс района да республикаса ордйысьöмгяс, вермöмгясъяс вичмöдлісны медальяс да почёт грамотагяс.

Кутас велöдчыны Сыктывкарса государственнöй университетын информатика да математика факультетын, лоас программистöн.

Гижöд да снимок Галина НЕСТЕРОВАЛÖН.

## КОМИ РЕСПУБЛИКАЫН

### ДОНГЯЛІС ЮРАЛЫСЬ

Республикаса юралысь Вячеслав Гайзер вылö донгялис водзмöстчöм, медым Коми республика петкöдчис «Финн-йöгра мирлөн ним» народгьяскостса балаын.

«Финн-йöгра мирлөн ним» народгьяскостса бала-зэв бур водзмöстчöм, коді сетас позянлун чукöртны öтилаö уральскöй кывгяса семьяысь медся нималана йöзöс, тöдмöдны войтыргясöс öтамöдкöд, гашкö, весиг вöсьтны мирлы «выль нимгяс», - тöдчöдіс республикаса юралысь. - Ёна бур, мый татшöм водзмöстчöмөн петкöдчис буретш миян республика».

Вячеслав Гайзер пасйис, мый Коми республикалы эм кодön донгясыны. Тайö мирын бура тöдса учёнйяс Каллистрат Жаков, Питирим Сорокин, Василий Налимов, поэтгяс Иван Куратов да Виктор Савин, писательгяс Василий Юхнин да Геннадий Юшков, спортсменгяс Николай Бажуков да Раиса Сметанина да унаöн-унаöн мукöдгяс.

### СУДЗÖДÖЙ ДА ЛЫДДЬÖЙ «ПАРМА ГОР»

Апрель 1 лунсянь нин мунö 2011 волөн мöд джын кежлö газетгяс да журналгяс вылö гижöдöм, на лыдын и района «Парма гор» газет вылö. Гижöдасны июнь помöдз. Кадыс коліс этша нин, тэрмасьöй почта вылö.

«Эска, мый тайö балаөн петкöдчöм, коді мунö Коми республикалысь 90 вося юбилей пасйöмкöд йитöддын, сетас позянлун тöдмасыны мирлы финн-йöгра войтырлөн зэв пьдди пунктана йöзкöд», - тöдчöдіс Вячеслав Гайзер.

Сйö сідзжö содтис, мый 2011 вося августын республикалысь 90 вося юбилей пасйигөн вöчасны Коми муөн мунöм туйлы кывкöртöд, и медшöр тöдчанаторгясъяс öтиöн лоö Коми республикалысь медвылö донгялöм - «Коми республикаса пьдди пунктана морт» ним сетöм.

Пасьям, мый народгьяскостса «Финн-йöгра да самодийскöй войтыргяслөн медся пьдди пунктана йöз» («Финн-йöгра мирлөн ним») бала котыртис Россияысь finugor.ru юортан шöрин. Конкурс мунö 2011 вося майсянь декабр помöдз. Сйö збыльмöдсьö Россияын, Венгрияын, Финляндияын, Эстонияын да мукöд странаын.

Конкурс сетö позянлун вöсьöн гөлöсуйтны быдöнлы финн-йöгра войтырлөн медся пьдди пунктана йöз вöсна.

Коми республикаса юралысьлөн да правительстволөн пресс-служба.

«Парма гор» вылö судзöдан доныс татшöм: öти тöлысь кежлö - 50 шайт 79 көпейка; 3 тöлысь кежлö - 152 шайт 37 көпейка; 6 тöлысь кежлö - 304 шайт 74 көпейка.

Кулöмдинсалы позьö судзöдны редакция пыр, газетö сэгысь босьтöмөн. Сувтас донтöмджык. РЕДАКЦИЯ.





